

## I Siampu Hihna Suangkhal I Hizaw Diam?

Jamson Guite

**T**hukhunlui hun lai in Pathian namtel Israelte lak ah biakbuk a nasem diing in siampu ana om hi. Hiai siampu hithei diing mi tuh levi nam akipan ahih ngeingei diing uh chih ahi. Huan, hiai siampute tuh mipite toh Pathian kal a palai ahi ua, mi nautang toh a kibang kei uhi. Mipite tung a a tungtuanna uh, a tanvou uh ahi. Huaiziak in mipi leh siampu kal ah kibatlouhna om in siampute tuh mipite tung a ahi uhi. Tu thukhunthak hun in ahihleh bel thukhunlui lai hun a Pathian namtel Israelte toh kibang lou in siampu dan a kilamdangta hi. (Heb.7:12) Khristian khempeuh siampu ihi chianta uhi. (1 Peter 2:9) Thukhun thak hun a gingtu khempeuh in siampu hihna i tan chiattak pen uh tampite'n zangkial ihi di uam ka chih ut hi. Bangziak in i chih leh saptuam sung a vai khat peuhpeuh ah khenkhat'e'n i siampu hihna pen suang in tung a mite leh vaihawmte zah diing bang in kizah zoulou hi.

Thugingpi toh kisai leng hituanlou thil khenkhat bang a ei ngaih dan a dik leh tang i sak dan a thil a hong kiveilouh chiang bang a thuvektu leh vaipawtute bang zahna omhetlou a chih ngamna bang omthei mawk hi. Hiai bange ka ngaihsut vengveng chiang in kua hiam i tung a mi, ahikhele leh thunasemtu hiam ahikheileh vaisaitute hiam va simmoh utna leh muhniam luatna ziak hipahlou in i siampu hihna pen lakhial a ken leng amah hihtheih bang hihthei, gentheih bang gentheiveve kahi i chih ziak uh hizaw in ka mu hi.

Hiai ziak tak a i siampu hihna suangkhal ihi zaw diam chi ka hi. Saptuam sung a zahtak zawk diing tuan omlou kibang vek ihi chih toh kisai a pansan a neihtheih tuh siampu i hi chiat uh chih ahi a, a dang khat non leuleu ahihleh Galatianta 3:28na ahi nawn hi. Hiai thu toh kisai hohtak a i etthak leh thuneihna kibatna lam sang in khristian a pumkhat i hihna, khat i hihna lam uh a kaww zaw hi. "Na lak ua khristian a baptis a om peuhmahte tuh khristian in na kithuamta ngal ua. Huai ah tuh Juda hiam, Grek hiam, sila hiam, zaleen hiam leng a om kei a; pasal hiam, numei hiam leng a om saam kei hi. Khristian Jesu ah navek un khat nahi uhi." (Galatianta 3:27, 28)

Thukhun lui hun lai in leng siampu chiatchiat lak ah leng siampulian ana om sawn lai hi. Tuabang deuh in tu thukhun thak hun ah leng saptuam sung

a siampu chiat lak ah leng Pathian in tanmun a na hom diudeu hi. (Ephesate 4:11-12) Saptuam sung ah khenkhat Zawnei hi diing in, khenkhat Pastor (upa) hi diing in, khenkhat tanchihoih gentu diing, khenkhat sinsaktu hi diing in Pathian in ana seh hi. Amaute khristian toh kizopna thukzaw leh hoizaw nei a khovel bang a saptuam sung a a annsang (high class) chihna hikei mahle uh Pathian in pumpi lamtounhna diing a a geldan ahi a, amaute nuai a kitahlut diing leh zahtaakdiing in honna sinak hi. Saptuam sung ah tate'n nu le pate thuman diing, zite'n pasalte zahtak diing chih thupiak ana om hi. Tua ahikhele ziak in pasalte Khristian a diing a tungtuang lua i chihna ahikhele tuankei hi. Huchi mahbang in saptuam sung a vaihawmte leh thuneitute kiang a kitahlut a thuman diing tuh khristian i hihna a i mohpuak uh ahi. (Tita 3:1-2)

I lak ua semgim leh Toupa lam a hon makaihte leh ei hon taihilhte zahtaak diing leh a nasep ziak ua iitna a amaute ngaihthupi mahmah diing tuh i mohpuak uh ahi leuleu hi. (1 Thes. 5:12) Hiaite akipan in saptuam sung ah zahtaak diing leh thuman diing ana om mah ahikhele haih vualloh in a muhtheih hi. Toupa a semgim leh ei hon taihilhtute ngaihthupi lou a amah bang ahi tuan a chih ngaihdan nei a, ngaihthupilou kia leng hilou a zahtaaklou a omna pen Laisiangthou toh ki kelki kha hi.

*a ban pek lehlam ah...*

**CONTACT ADDRESS**

Church Of Christ, Delhi,  
Rz-2008/25, House No, 13, S.F.  
Tuglakabad Extension, New Delhi-110019  
Phone No. : 9953968807  
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS  
OF THE CHURCH OF CHRIST, DELHI, ON THE FIRST DAY OF THE WEEK'

Enkaitu: Jamson Guite | Panpitu: Kham Minthang | Jangthang

**BIBLE CLASS**

Class	Teacher
Adult	: B.Thawngsiandong, Jamson
Junior	: L.James Guite, Kham Minthang
Beginner	: Rosely, Mary,

**TUNI BIAKKHAWMNA PROGRAMME**

Thumna Hun-uk : Pauminthang  
Lapitu : John  
Thilpiak : Timothy  
Theihgigena : Khamminthang  
Thuhilhtu : Thongginlian  
Thumna : Lunminthang

**Last Sunday (01/01/12)**

**Offerings - Rs. 10255/-**

pek mailam sutzopna...

Saptuam tuh Pathian innkuan chih in leng a om hi. (1Timothi 3:15) Innkuan ah pa pen a om a, huai ban ah nu leh tate leng a omsawn lai hi. Tate chiatchiat lak a leng a upa zaw leh naupang zaw chih a om sawn lai hi. Tate lak a a neu a lian kizahtuahna a omlouh chiang in innsung nuam theilou in khangtou lou hi. A neuzaw in a u zaw a zah chiang in kituahna leh kilemna om a, vaihawm a vaiveng hi. Saptuam sung ah leng upa zaw leh naupang zaw a om hi. A naupang zawte'n a upa zawte zahna a neih uh tuh ahi diing him ahi. Tung a mite zahtaak tuh khristian i hihna a i mohpuak uh ahi.

Saptuam sung a kuamah a liantuam leh neutuam omlou, siampu vek I hi chih pansan a thugentute thugente eimah kivel thak sang a counter a, amaute ngaihsanna dan theilou a, vaihawmtute vaihawm dan teng soisel a, genthei tah e chi a utteng genkhiak chih I siamputna suankhelhna hi in ken ka koih hi. Siampu I hina pen hiadan a omtheihna diing a phalna ahikei hi. ☐☐☐

**THOUGHT OF THE WEEK**

MIHING OMDAN TENGTEG AMA' MIT AH A SIANGTHOU  
VEK A, HIMAHLEH TOUPA'N LUNGTANG NGAHTUAHTE  
A BUUK ZEL HI. (PAUNAKTE 16:2)

**THU TUAMTUAM****KHA NAMSOU SUAKTA:**

-I ngaklah mahmah uh thukizakna Kha Namsau kal paita Toupani biakkhawmna zoh in a masa napen diing January - March issue honkhiak hita hi. Saptuam Business Chairman unauupa Kamkhenthang in thumna toh a hon zoh in laibu hawmkhiak in om hi.

Bu 500 kisun khia a, unau mun tuamtuam a omte a diing leng khakkhiak hita hi. Hong matutpih i biak Pathian thupina i pia uhi.

**ZINKHIA:**

-Zan kiginni in unau Janglet, Kimnu, Vasti leh Mangneu te Shillong zuan in ana zinkhia uhi. Seitol lam leng va pha diing uh hihtuak ua, kha nawn chiang a hon kinkawn diing uh hi in thu kingah hi.

Tuabang mah in exam diing neih ziaak in unaupa Lunminthang leng Guwahati lam ah ana zinkhia hi.

**KALNAWN BIAKKHAWMNA PROGRAMME**

Thumna Hun-uk : Thangbiaklun  
Lapitu : Paulun  
Thilpiak : Thangzalam  
Theihgigena : Thawngsuanlal  
Thuhilhtu : Jamson  
Thumna : Mangneu

**HONG ZIN:**

-Kal paita sintopni in unau unu Zamlamching m/o unau pa Samuel Pauliansiam, Delhi a tate veh diing in Lamka lam akpan in hong zin hi. Khat khat sung vel om diing hi in thutut kingah hi.

**KI ENSAK:**

-Thu kiza dan in unau unu Khanching m/o unau pa Jamson, kal paita sung in kal na a neih ziaak in AIIMS hospital a ana ki ensak hi. Suang liankhop a om man in at ngai diing hi in doctor ten gen uhi. Unauten i thumnate uah phawk chiat ni hang.

**SINGPI DAWMNA OM:**

-Kal paita Toupani biakkhawmna zoh in kha namsau honkhiak ahih tak man in singpi dawnkhawmna om hi. Hiai a singpi kidawn pen uanu tangval kiphall Lianminthang apan ahi. Kipah huai mahmah.

**PAWTKHAWM UH:**

-Kal paita Toupani biakkhawmna zoh in unau unu meite unau pa Janglet inn ah pawtkhawm in kithuahkhawmna mahpha tak nei uhi. Nuam petmah hi in a telkha ten gen uhi. Unau numeite phathuai isa uh.

**SINTOPNI BIAKKHAWMNA PROGRAMME**

A Mun : Khamminthang inn.  
Mohammadpur.

A Hun - 7.00 pm

Hun-uk : Thawngsuanlal  
Lapitu : Lianminthang  
Thuhilhtu : Pauliansiam  
Thumna : Thangdoulia